

欽定書經圖說

第四冊
卷十七至
十三

欽定書經圖說目錄七

甘誓四圖

征扈誓師圖

大戰于甘圖

左右恭命圖

賞祖戮社圖

常服藥錄圖

太乙毒命圖

大觀子世圖

醫藥雜圖

甘肅雜圖

卷之二

甘誓

甘者地名夏有扈氏國之南郊也今陝西西安府鄠縣有甘亭即其地也有扈為夏同姓之國啟初嗣位有扈氏為不道啟親率六軍征之而誓師於此古者將欲整齊其衆而用之則必有誓告之文而尤嚴於軍旅所以宣言其討罪之意而示以刑賞之必信矣


明倫彙編 家範典 卷一百一十五

此等車馬之費，所選柏文，其價亦甚廉，其來亦開之。

[illegible]

古今圖書集成

征扈誓師圖



大戰于甘圖



大戰于甘乃召六卿王曰嗟六事之人予誓告汝有扈氏威侮
五行怠棄三正天用勦絕其命令予惟恭行天之罰

威暴殄也
侮輕忽也

此二幅圖是寫夏啟親征有扈奉天伐罪之事也古者四方
諸侯有不道者天子責之方伯方伯不能討乃親率六師征
之天子之師有征無戰有扈氏怙強稔惡竟敢抗衡天子出
兵接戰故史臣於篇首特書曰大戰於甘所以深著其罪也
當未戰以前王嘗召集國之六卿嗟歎而申命之曰凡軍旅
大事必有戒誓之詞以明其申罪致討之意及坐作進退之
節今爾六師在事之人上自軍帥下至士卒其各聽予誓命
自有扈氏肆為不道虐下背上五行所以資民用彼則暴殄

而輕忽之三正所以協民時彼乃怠玩而廢棄之以此獲罪
於天天用勦絕其命今我之率師致討亦惟虔恭寅畏以行
天之大罰而已蓋天視自我民視天聽自我民聽凡民心所
不順皆天意所不容昔禹征三苗曰恭行天罰今啟征有扈
亦曰恭行天罰皆所以應天順人示用兵非得已也

左右恭命圖

光緒三十一年



左不攻于左汝不恭命右不攻于右汝不恭命御非其馬之正

汝不恭命

政治也

此一幅圖是寫夏啟戒戰之嚴也古時征討之師皆用車戰
每一車甲士三人步卒七十二人居左者主射居右者主擊
刺御者居中以主馬之馳驅今啟以有扈氏威強逞虐方伯
連帥所不能討至煩天子親蒞戎事則凡在事之人當如何
敬謹將命如在車左之人不治其車左應治之事車右之人
不治其車右應治之事居中之御不能範以馳驅而失其正
皆為不恭王命蓋命之不恭則事皆隳廢軍必不整致敗之
道也故各指其人而責其事使之各嚴部分不出其位所謂


師出以律也

賞祖戮社圖

光緒三十一年

卷之三

三



校印
用命賞于祖不用命戮于社予則孥戮汝

此一幅圖是寫夏啟刑賞之正也凡戰以用命為致勝之道
啟誓師之意若曰予行天之罰所以敬恭天命六師從征即
當敬恭我命用命則賞賞其恭命也不用命則戮戮其不恭
命也且不但戮及汝身將並及汝妻孥而戮辱之蓋戰者危
事不嚴其法則無以整肅其衆而使之赴功也至賞必于祖
戮必于社者天子親征必載其遷廟之主與其社主以行祖
居左為陽故賞于祖社居右為陰故戮于社以示刑賞之不
敢專也夏自大禹受命征苗之後未嘗用兵軍旅之事宜啟
所未聞也今一旦赫然興師親為誓誡其間六軍之制車乘

之法邦國刑賞之典昭然明備可知禹固不以天下為無事而不訓以兵啟亦不以天下為無事而不習於兵講之以豫而用之以節斯為王者之師歟

